



**Offisiu husi
Vise Prokurador Jeral
Ba Krimes Graves
Timor Leste**

**INFORMASAUN LIBERTASAUN HUSI UNIDADE KRIMES GRAVES 6
Dezemburu 2004**

AKUZASAUN FOUN HAAT MAKA SCU HAKERЕК

**KOMANDANTE PULUTAUN MILISIA SAKO LORO MONU NO MILISIA 4
MAHIDI HETAN AKUZA**

Iha loron 3 no loron 6 Dezemburu 2004 Unidade Krimes Graves rekere karta akuzasaun foun haat maka akuza eis membrus milisia Mahidi haat no eis milisia ida husi milisia Sako Loro Monu hodi oho ema na'in sanulu resin sia. Akuzasaun ne'e akuza maka'as katak oho hotu-hotu no akuza seluk hanesan krimes kontra humanidade tanba sira halo hanesan parte ida husi ataka maka lemo iha fatin hotu-hotu no sistema ba populasau Timor Leste iha 1999. Akuzadu hotu-hotu agora livre hela no fiar katak iha liur Timor Leste.

Karta akuzasaun ne'e kontra Frans Talo akuza katak iha 1999 nia maka Komandante pulutaun milisia Sako Loro Monu (SLM), maka hala'o operasaun iha laran no hale'u suco Batugade ninin, distritu Bobonaro. Papél importante SLM nian mak atu tortura no oho apoiantes independensia nebe mak hetan kaptura hosi grupo milisia seluk no membrus TNI iha Distritu Bobonaro.

Karta akuzasaun ne'e alega katak Frans Tallo halo tortura no oho ativista independensia nian Longuinos Pereira iha 16 Abril 1999; katak nia oho ativista independensia nian Bonifacio Barreto iha ka mais ou menus 13 Maiu 1999; katak nia oho ativista independensia nian nain walu, Francisco Maia, Carlos De Carvalho, Benjamin Lucas, Alexio Paicheco, Patricio Santos Marcal, Cornelius Galojo, Gabriel Dos Santos no Francisco Paicheco, iha 6 Setembru 1999; no katak nia oho Sabino Pereira dalaruma iha Setembru 1999. Oho tomak nebe temi iha leten fiar katak akontese iha tasiibun Batugade nian. Hafoin vitimas hetan oho tiha, milisia SLM uza ró peskador local nian hodi lori mate isin sira ne'e ba soe iha tasi.

Iha Segundo karta akuzasaun, Tomas Lopes Maia Udin, eis Vise Komandante Kompanhia milisia Mahidi nian, akuza ho oho ema ida no koko atu oho sira seluk iha 12 Setembru 1999 iha suku Kamenasa, Suai.

Terceiro karta akuzasaun akuza Alfredo Breok, komandante pulutaun ida milisia Mahidi nian iha Zumalai, ba oho ema nain rua.

Iha Quarto karta akuzasaun, Domingos Mau Buti no Adriano Nascimento akuza ba violasaun sexual, oho ema nain 5, no koko atu oho sira seluk. Krimes sira ne'e hotu alega komete tiha ona iha suku Mape, Zumalai iha Junhu 1999. Hosi vitimas ba oho ne'e nian ida mak labarik feto ho tinan neen ida nebe milisia sira mak tula hamutuk ho ninia parente. Wainhira nia hahu tanis, nia hetan sona no so'e hosi kareta ba iha kanu irigasaun nia laran.

To'o lora on ohin, Unidade Krimes Graves hatama tiha ona 90 karta akuzasaun nebe akuza individuais nain 377 ho akuzadu balu nebe akuza liu hosi karta akuzasaun ida. Kazu sira ne'e halo hotu ona liu hosi julgamentu ba ema akuzadu 74, ho ema nain 72 nebe konvense sala ho akuzasaun ida ka liu hosi akuzasaun ida.